

ԱՐԵՆԻ ՆՈՐԱՀԱՅՏ ՎԻՄԱԳՐԵՐԸ

ՍՈՒՐԵՆ ՈԱՂՈՒՄՅԱՆ

Արենին (Արփա) Վայոց Ձորի հինավուրց և նշանավոր բնակավայրերից է: Գյուղի և առհասարակ այդ հատվածի պատմությունն ամբողջացնելու համար կարևոր են այնտեղ պահպանվող վիճագիր արձանագրությունները, որոնք, սկսած անցյալ դարի կեսերից, արժանացել են տեղագրողների ու պատմաբանների ուշադրությանը¹:

Արենի միջնադարյան վիճագրերի առավել ամփոփ հավաքածուն ներկայացրել է Ս. Բարխուդարյանը²: Անվանի վիճագրագետը գյուղի տարածքից ընդօրինակել է 9 արձանագրություն (որոնցից 3-ը՝ առաջին անգամ), երկուսի գծագիրն ստացել է Հ. Նդիազարյանից և ներկայացրել է դրանց վերծանությունը: Նախկին տեղագրողներից մեջ է բերել Մոմկաշեն տաճարի՝ «Ս. Աստվածածնի շրջապատի գերեզմանատան մեջ անցյալներում» եղած 9 արձանագրություններ ևս³: Այսպիսով, Արենիից «Դիվանի» 3-րդ պրակի մեջ ամփոփվել են 20 արձանագրություններ, որոնցից հնագույնը 1303 թ. է⁴, իսկ վերջինը՝ 1708 թ. (թվակիր են 15 վիճագիր):

1971, 1975 թթ. Արենիի եկեղեցու շրջապատի փլատակների մաքրման ընթացքում հայտնաբերվել են թմրուկի ձևավոր քարեր և արձանագրված ու անհիշատակագիր տապանաքարեր: Արձանագրված խաչքարեր ու տապանաքարեր են հայտնաբերվել նաև վանքի շրջակա գերեզմանոցում: Այսպիսով, այդ տարածքից հայտնաբերված արձանագրությունների թիվը հասել է 60-ի, որոնցից հնագույնը և պատմականորեն արժեքավորը 1191 թ. արձանագրությունն է, իսկ վերջինը՝ 1815 թ. (թվագրված են 40 արձանագրություն)⁵: Չեն գտնվել Քաջբերունու ընդօրինակած և «Դիվանի» 72, 73, 77, 79 համարների տակ դրված վիճագրերը, որոնցից երեքը եղել են խաչքարերի վրա:

Ստորև ներկայացնում ենք Արենիի 43 անտիպ վիճագրերը, իսկ 12-ը վերահրատարակում ենք լրացումներով ու շտկումներով, որոնցից 5-ը համարվել են կորած:

1 Ջ ա լ ա լ յ ա ն ց Ս ա ր գ ի ս արքեպիսկոպոս, Ճանապարհորդություն ի Մեծն Հայաստան, մասն Բ, Տփլիս, 1858, Ք ա չ բ ք ու ն ի (Բժ. Դարբին Լովհաննիսյան), Ճանապարհորդական նկատողությունք («Փորձ», 1877—1879, «Արարատ», 1888—1891 թթ.), Ա լ ի շ ա ն, Սիսական, Վենետիկ, 1893:

2 «Դիվան հայ վիճագրության» (այսուհետև՝ «Դիվան»), պրակ III, Վայոց Ձոր, կազմեց Ս. Գ. Բարխուդարյան, Երևան, 1967, էջ 28—33:


3 Նույն տեղում, էջ 30—33:

4 1303 թ. արձանագրությամբ խաչքարը ընկած էր դյուղի հյուսիս-արևելյան կողմում, Ծղեգնաձոր տանող ճանապարհի կեռմանի ձախակողմյան բարձունքի վրա: Հուշարձանների պահպանության և վերականգնման վարչության աշխատակից Շ. Մակյանը 1973 թ. այն, երկուսը խաչքարի հետ, վերատեղադրել է իր նախնական տեղում:

5 Նախորդ տեղագրողների կողմից փաստագրված արձանագրությունների հետ մեկտեղ Արենիի վիճագրերի թիվը հասնում է 64-ի, որոնցից թվագրված են 43-ը:

Արենի դուզի հնագույն վիճաբերը հայտնաբերվել է 1971 թ., Աստվածածին եկեղեցուց մի փոքր հարավ, գերեզմանոցում: Թերատված խաչքարի ստորին մասում, խաչքանդակի և ազուցման պոչի միջև փորված քառանկյունի փոսորակում (նկ. 1) գեղեցիկ, կանոնավոր, մանր տառերով փորագրված է.

Ոհ (1191) ԹՈՒԱՐԿԱՆԻՆ ԵՍ ԱԽԹԱՄԱՐ, Ծ-
ԱՌԱՅ ԱՐՍՏՈՒԾՈՂԵ, ՄԱՆԱԻԱՆԴ ՊԵՏ ԳԱ-
ԻԱՌԻՍ, ՇԻՆԵՑԻ ԶՏՈՒՆ ԱՂԱԻԹ-
ԻՅՍ ԵՒ ԿԱՆԳՆԵՑԻ ԶԽԱԶՍ ՅԻ-
ՇԱՏԱԿ ՊԱՏՈՒԱԿԱՆ ԾՆԱԻՂԻ
ԻՄՈՅ ԳՐԻԳՈՐԻ. ՅԻՇԵՄՅԵՔԻ ԲԵՐԻՍՏՈՂՍ:



Նկ. 1. 1191 թ. արձանագրություն:

Ախթամարյան «զարմքն... ի հին ժամանակաց ընկեալ էին յԱռփայ գիւղն»⁶: Նորահայտ արձանագրության հավաստմամբ, Ախթամար Արփայեցին XII դ. վերջում և XIII դ. սկզբում, նախքան Զաքարյանների կողմից Սյունիքի ազատագրումը, եղել է Վալուց Զորի իշխանապետը: Եվ պատահական չէ, որ նա նշանակալից դեր է խաղացել նահանգի քաղաքական ու մշակութային կյանքում: Անվանի զորապետը, Վասակ խաչենցու (Պռոշ իշխանի հոր) հետ, XIII դ. սկզբում «հրամանաւ և ուժով Իվանէի» ազատագրել է գավառի ռազմապաշտպանական կարևոր հանգույց Հրասեկա բերդը⁷: Ախթամարյանները լրջորեն մտահոգվել են նաև Նորավանքի նյութական ապահովության խնդրով և վանքին են նվիրել իրենց հայրենական Դայեկի քարի այգու վերին բաժինը⁸:

6 Ս տ. Օրբելեան, Պատմութիւն նահանգին Սիսական, Թիֆլիս, 1910, էջ 368:

7 Նույն տեղում, էջ 350:

8 Նույն տեղում, էջ 368, 491:

4 XIII դ. 70—80-ական թվականներին Սարգիս եպիսկոպոսը Ավեշ գյուղը, Արփայի երկակն ջրաղացը, երեք ճորտեր, գյուղի այգիներից Ախթամարենց բաժինը⁹, այլ հասույթների հետ, ընծայում է Նորավանքի իր կառուցած հյուրատանը: Այգին, անշուշտ, պատմիչի հիշատակած Դայեկի քարն է¹⁰, որի վանքապատկան լինելը վերահաստատվում է: Օրբելյանը որոշակի մատնանշում է նույնիսկ երկքար-երկակն ջրաղացի տեղը՝ կամրջի մոտ¹¹, որը Նորավանքի անխախտ ժառանգությունն էր:

Նորահայտ վիմագրի վկայությամբ, Գրիգորի որդի Ախթամարը XII դ. Արենիում կառուցել է «աղոթքի տուն»՝ եկեղեցի, որի առթիվ էլ դրվել է այս խաչքարը: Ախթամարի եկեղեցին, թերևս, եղել է Մոմիկի կողմից 1321 թ. կառուցված և ներկայումս պահպանվող տաճարի հյուսիսային կողմում, որի ստորին շարքերը պետք է որոնել ավերակների տակ:

Նորահայտ հաջորդ արձանագրությունը գտնվում է եկեղեցուն արևմուտքից կից, ավերված գավթի սալատապաններից մեկի վրա, հետևյալ բովանդակությամբ. ԶԳԵՂԵՑԿԱԶԱՐԴ ԻՄ ԱՌՆ/ ԶՎԱՀՐԱՄ ՅԻՇԵՅԷՔ. թվ. 2[21 (1331¹², գծ. 1): Սալատապանին հարակից մյուս տապանաքարի կիսանդժ արձանագրությունն է. ԱՅՍ է ՇԻՐԻՄ ՀԱՆԳՐՍՏԻԱՆՆ ՈՐԴՈՅ ԱՂԱՄՈՆ... ԱՎԱԳԻՆ. թվ. 2[24 (1344, գծ. 2):

Տաճարի հյուսիսային կողմի նորաբաց տապանաքարերից մի քանիսը ունեն համառոտ հիշատակություններ: Դրանցից մեկի վրա փորագրված է. ՀԱՐԷԼԻ ԿԷՆԱԿԻՅՆ /ԶԱՄԱԼՆ ՅԻՇԷՅԷՔ. թվ. 2[28 (1340, գծ. 3): Մեկ տարի անց մահանում է նաև ամուսինը և թաղվում կնոջ կողքին, որի տապանագիրն է. ԶՄԵՂՈՒՅԵԱԼ ՄԱՌԱՅՍ Զ/ ՀԱՐԱԵԼԻ ՅԻՇԵՅԷՔ. Ի ԹՎ. ԶՂ (1341, գծ. 4):

Եկեղեցուց հյուսիս-արևմուտք բացվել է թերթաքարե հարթ սալատապան, որի արձանագրված վերին շերտը պոկվել է, մնացել է միայն մեկ գիր՝ ա և ի թվ. 2[29 (1343, գծ. 5):

Եկեղեցու արևելյան պատի մոտ ևս կատարվել են թաղումներ: Խոշոր սալատապաններից մեկի վրա մանր տառերով գրված է.

9 «Դիվան», պրակ III, էջ 246, արձ. 813:

10 Այգին, թերևս, խիստ պողպեղ լինելու հետևանքով է կոչվել Դայեկի—Դայակի-ծծմոր քար: Իսկ այգեգործությունը արենցիների հնագույն և նախասիրած զբաղմունքներից է: Տեղի այգիներից հաճախ են նվիրվել Վայոց Ձորի մշակութային-կրթական կենտրոն Նորավանքին (Ստ. Օրբելյան, էջ 346, 367, 368, 490, 491): Նույն համալիրի գավթի արևմտյան պատի հարավային մասի 1291 թ. ընդարձակ վիմագրի վկայությամբ Զուրջի թոռ Ամիրան Տարսայիցի 4 հազար դրամով դնել է Արենիի «ԶՅԱՂԹԱ ԱՅԳԻՆ» ու այն, 3 չորու հետ, նվիրել է վանքին: Այս առթիվ Սյունյաց թեմի առաջնորդ Ստ. Օրբելյանը տարին չորս պատարագ է սահմանել Ամիրային և իր մայր Գոհարխաթունին («Դիվան», պրակ III, էջ 220, արձ. 698): Օրբելյանի վկայությամբ, այս Ամիրան, Զուրջի որդին է, Կապանցի Մահանյաց իշխանների թոռը: Նա Տարսայիցի 4 հազար դրամով «գնել զԱղթայ այգին որ յԱռիայ» ու այն նվիրել է Նորավանքին, որի դիմաց, Ամիրայի համար սահմանվել է «հինգ պատարագ»: Ըստ արձանագրության տվյալի, նվիրատվության դիմաց Ամիրայի և իր մոր ստացած պատարագների թիվը, պատմիչի մոտ հիշատակվող հինգի փոխարեն, պետք է ընդունել չորս:

11 Ստ. Օրբելյան, էջ 491:

12 Տասնավոր թվանշանը եղծված է, տառահետքերը նմանվում են Զ-ի (80):

ա ԶԽԱԹ/ՈՒՆՆ ՅԻՇԴԵՂՅԵՔ.

բ ՅԻՇԴԵՂՅԵՔ/ՀԻՍԱՅՁԱՅՆ/Ա. ՓՈԽԵՑԱԴԻ Ի ՔՐԻՍՏՈՍ/ԲՎԴԻՆ՝ ԶՂԷ (1348, գծ. 6):

Եկեղեցու հարավային մուտքի աջ կողմում փորագրված է. ԴԵՂՍ ԲԱՄՐ-ՍԵՂՍ, ԳԴԱՆՍԴՊԱՐՍՆ, ՊԴԱՐՈՂՆ ՈՎԴԱՆԵՍ ԱՂԻՆ ԴՅԻՇԴԵՂԱՏԱԿ, ԳԻ-ՐԵՑԴԱՔ/Ի ԹՎՂ. ՊԻ (1371, գծ. 7): Երրորդ տողի վերջում, նույն նոտագրով ավելացված է Ծ: Հնարավոր է, որ գրիչը թվատառի՝ Հ-ի (70) փոխարեն փորագրել է Ի (20) և այնուհետև ավելացրել է պակասող 50-ը՝ Ծ-ն: Այս դեպքում արձանագրության թվականը կլինի ՊԻԾ՝ $800 + 20 + 50 + 551 = 1421$:

Նույն մուտքի ձախ կողմում, որմի ստորին շարքում հիշատակագրված է՝ ԶՈՒՄԵԿՆ/ԵԻ ԶԿԵՍԱԻՐԵ/ԱՅ ԳՆԱՅԵԱ/ԼՆ ԱՌ ՔՐԻՍՏՈՂՍ ՅԻՇԵՑԷՔ. ԹՎԻՍ/ՊԶԴ (1425, գծ. 8): Եկեղեցու արևմտյան լուսամուտի մոտ քանդակված երկու իաշերի թևերի բացվածքներում փորագրված է. ԹՎԴԻՆ՝ ԶԻԹ (1480, գծ. 9), իսկ հարավային պատի արևմտյան եզրում պահպանվում է հետևյալ վիմագիրը՝ ԹԱՆԿՐԻՎԷՐՄ/ԻՇ ԼՅԻՇԵՑԷՔ Ի ՔՐԻՍՏՈՂՍ. թվ. /ԶԻԴ (1495, գծ. 10): Արևելյան պատի հարավային որմնախորշի ձախակողմյան քարերից մեկի վրա մանր տառերով գրված է. ԵՍ ԲԴԱՆՐՍԴՂ. ԹՎ. ԶԿ (1511, գծ. 11):

Եկեղեցու հյուսիս-արևմտյան անկյան զույգ խաչքարերից ձախակողմյանի քիվի տակ պահպանվում է. ԹՎ. ԶՂ/Ե (1546, գծ. 12), իսկ ներքևի աջ անկյունում՝ եռատող արձանագրության 8—9 տառերը, որոնք չեն ամբողջանում եղծված լինելու պատճառով: Խաչքարի ձախակողմյան խորանի խաչաթևերին քանդակված են Քրիստոսի խաչելությունը պատկերող մեխ-գամբը. իսկ կամարաղենների արանքում՝ եղան գլուխ, որոնք Արեւիկի խաչքարերի քանդակազարդման տարածված մոտիվներից են:

Արեւիկի եկեղեցու հյուսիսային պատին քանդակված բազմաթիվ խաչերի շարքում 1556 թ. փորագրվել են 28 անուններ: Հավանաբար այդ տարում սպանվել են 28 արեւելիներ, և եկեղեցու որմը դարձել է զոհվածների հիշատակը հավերժացնող հուշասյուն: Ահա այդ անունները. ԶԱԻՐԱՊԻՆ/ԶԻՆԻՆ, ԱՂԷԱՔԻՐԻՆ, ՂԻԿԱՄԷԻՆ, ԾԱՂՎԱՐԴԻՆ, ԲԷՍՈՒԷՆ, ՄԻՆԱԿԱՔԻՐԻՆ, ՄԷԼԻՔԻՆ, ՍԱՐԻՆ, ԲԱՐԻՆ, ՌՈՒՇԻՆ, ԱԶՄԻԿԻՆ, ՓԱՇԻՆ, ՄԿՐՏԻԶԻՆ, ՍԱԼԻԿԱԿԱՔԻՆ, ՊԱՊԻՆ, ԲԷԿԻՆ, ԶԱՆԷՆ, ԳՈՒԼԷՆ, ՓԱՇԱՑԻՆ, ԽՐԶԻՈՒՄԻՆ, ԻՐԲԻԿԻՆ, ԱՍՏԵՓԱՆՈՍԻՆ, ԲԵԿԱԿԻՆ, ԱԲԼՈՒՆԻՆ, ԱՄԻՐԳՈՒԼԻՆ, ՍԷՓԻՆ, ՂՈՒԿԱՄԻՆ, ԽՈՆԾԱՏԻՆ, ՍԱՐԳԻՍԻՆ. ԹՎ. ՌԵ (1556¹³, գծ. 13):

Այդ եղեռնական տարում, Աղձղաց ճանապարհին¹⁴ սպանել են նաև

¹³ Խմբական սպանության դեպքերը եզակի չեն: Մարտունու շրջանի Վաղաշեն գյուղում 1713 թ. սպանվել-մահացել են երկու տասնյակ մարդ (սրբավանք, պրակ IV, Երևան, 1973, էջ 184—185). «Դիվանից» դուրս են մնացել Վերին Գետաշենի և Ակունքի հարավակողմի բնակավայրերի արձանագրությունները, որոնց համաձայն՝ 1713 թ. այդտեղ ևս սպանվել են շուրջ չորս տասնյակ մարդ (օգտվում ենք մեր հավաքածուից): Ս. Բարխուդարյանը նկատել է, որ Վաղաշենի 1713 թ. տապանագրերը սվկայում են այդ թվականին պատահած որևէ աղետի մասին, թերևս համաճարակ հիվանդության (նույն տեղում, էջ 178): Մեր կարծիքով, Արեւիկի 1556 թ., Ակունքի, Վաղաշենի և Վ. Գետաշենի 1713 թ. աղետները ոչ թե մահատարածամ են, այլ ավարառուների շարագործությունների հետևանք:

¹⁴ Աղձի գետ գյուղը Սո. Օրբելյանի հարկացուցակում (էջ 515) տեղադրված է Սողք գավառում, 6-ի շափ հարկով:

արենցիներ Փիրիբեկին և նրա որդի Ջոհրապին, որոնց աճյունները ամփոփվել են հայրենի գյուղի եկեղեցու գավթում: Փիրիբեկ 1-ի որդին և Փիրիբեկ 2-րդի հայրը՝ պարոն Մեհրապը, հոր, որդու¹⁵ և եղբոր հիշատակին, 1556 թ. կանգնեցրել է ճոխ քանդակներով տապանաքարեր և խաչքարեր: Ներկայումս իր նախնական տեղում՝ եկեղեցու հյուսիս-արևմտյան անկյունում, պահպան-




Նկ. 2. Փիրիբեկ 2-րդի խաչքարը (1556 թ.):

վում է միայն Փիրիբեկ 2-րդի խաչքարը: Սրա նեղ քիվի տակ քանդակված է Աստվածածինը՝ մանուկ Հիսուսը գրկին, ստորին մասի փոստրակում՝ հմտամշակ շրջաքանդակ, կենտրոնական խորանում՝ ոչ մեծ խաչաքանդակ, իսկ թևերին՝ խաչելութունը պատկերող չորս մեխ-գամեր: Խաչաքիվի վրա և նորարաց ստորին եզրում (նկ. 2) ընթերցվում է՝ ԵՍ ՄԵՀՐԱՊ ԱՂԴԵՍ ԿԼԱՅԿ-

¹⁵ 1556 թ. Աղձղաց ճանապարհին պապի և հորեղբոր հետ թերևս սպանվել է նաև Մեհրապի որդի Փիրիբեկ 2-րդը:

չնեյՅի հլԱ,ԶՍ ՈՐԴՈՅ / ԻՄ ՓԻՐԻԲԷԿԻՆ ՀԻՂատակագրութիւնը, իսկ խորանի վերին եզրում, ուռուցիկ զարդագրերով՝ ԹՎ. ՌԵ (1556)¹⁶:

Գավթում են գտնվում նաև Ակոբ նկարող-կազմողի ձեռակերտ երկու խաչքարերի վերին մասերը, որոնցից մեկի վրա Քրիստոսի և ավետարանիչների բարձրաքանդակներն են, իսկ քիվի վրա՝ խիստ հողմահարված արձանագրութիւնը, որը, որոշ վերապահումներով, կարելի է վերծանել այսպես. ԵՍ ՄԵՀՐԱՊՍ ԿԱՆԿՆԵՅԻ ԽԱՉՄ ՆՈԳՈՆ ՀԱԻՐ ԻՄ / ԳՓԻՐԻԲԷԿԻՆ¹⁷ (գծ. 14): Խաչախորանի վերին կամարաղեղի երկու կողմերում, քանդակներին հյուսված տառերով, ստորագրել է քարգործ վարպետը՝ ԿԼԱ,ԶՄ ՈՂԱԿՈՐԻՆ¹⁸, իսկ Փիւրիբեկ 1-ի անվան հիշատակութիւնը եղել է խաչքարի ստորին խաթարված մասում:



Նկ. 3. Հատված Զահրապի տապանագրից (1656 թ.):

Թեև պարոն Մեհրապի եղբոր՝ Զոհրապի հիշատակագիր խաչքարը¹⁸ անհետացել է, սակայն պահպանվում է նրա խոշոր տապանաքարը (նկ. 3), հետևյալ հիշատակությամբ. ԱՅՍ է ՀԱՆԳԻՍՏ ԶԱԻՐՀՐԱՊԻՆ, ՈՐ է ՈՐԴԻ ՓԻՐԻԲԵԿԻՆ, ԵՂԲ / ԱՐ ՊԼԱ,ԶՂ ՈՂՆ ՄԵՀՐ / ԱՊԻՆ, ՈՐ ԱՆՄԵՂ ԿՈՏՈՐԵՅԻՆ ԱԽՉՂԱՅ ՃԱՆԼԱՊԼԱՅԻՆ ԵՒ ԹՂՈՂԻՆ ՍՈՒՔ ԱՆՄԽԻԻՅԼԱՅ / Ր / . Ի ԹՎ. ՌԵ (1556, գծ. 15):

Այս արձանագրութիւնը մեջ ենք բերում բնավ ոչ այն պատճառով, որ նախորդ հրատարակիչների և մեր վերծանության միջև վան տարբերություն-


¹⁶ Ս. Բարխուդարյանը խաչքարը չի նկատել և արձանագրութիւնը մեջ է բերել Քաչքերուն: պակասավոր ընթերցմամբ (սխալման, պրակ III, էջ 32, արձ. 71):

¹⁷ Վարդապետի անունը և կոչումը ներկայացրել է Ս. Բարխուդարյանը (նույն տեղում, էջ 31, արձ. 67):

¹⁸ Խաչքարը տեղում է եղել մինչև XIX դ. վերջերը, և արձանագրութիւնն ընդօրինակել է Քաչքերունին (նույն տեղում, էջ 32, արձ. 73):

ներ Զոհրապ, Փիրիբեկ, սուֆ, անմխիթար բառերում, այլ որովհետև Ս. Բարխուդարյանի հրատարակությունում նրա գծագիրը ներկայացված է շրջված¹⁹։ Նման վրիպումներ կան «Դիվանի» բոլոր պրակներում։

Հոր, որդու և եղբոր սպանությունից ջատ շանցած մահանում է պարոն Մեհրապը²⁰։ Վերը հիշատակված թերատ խաչքարերից երկրորդը վերագրում ենք Մեհրապին, քանի որ այն «նկարվել է» 1559 թ. և կիսաեղծ արձանագրության մեջ ընթերցվում է պարոն բառը, իսկ այդ թվականին Արենիում մահացել է միայն մեկ պարոն՝ Մեհրապը։ Նրա անունը նույնպես, նախորդների օրինակով, գրվել է խաչի ստորին մասում, որը ոչնչացվել է։ Այս խաչքարի վրա ևս, քիվի և խորանախաչի միջև, Քրիստոսի և ավետարանիչների խորհրդանշիչ քանդակներն են²¹, թևերի բացվածքներում՝ բեռները։ Քիվի և խո-



Նկ. 4. Պարոն Բարի տապանաքարի հարավային ճակատը։

րանի եզրերի կիսաեղծ արձանագրությունը վերծանում ենք այսպես. ԵՍ... ՄՆԼԻՔԲԷԵՅՍ ԿԼԱՅՆԿԼՆԵՅԻՅԱՅՔ ԽԼԱՂԵՍ ՊԼԱՅՐՈՅՆ / ՄԵՀՐԱՊԻՆ / ԱԿՈՐ ՆԿԼԱՅՐՈՂԷ. ԹՎ. Ռ/Ը 1559²², գծ. 16)։

Եկեղեցուց արևմուտք ընկած տարածքում հայտնաբերվեց նաև պարոն Մեհրապի եղբոր՝ Բարի (Բաբիկ, Բաբաջան) դադաղաձև տապանաքարը, որի քանդակները և արձանագրությունը միանգամայն անեղծ են (նկ. 4)²³։ Ահա

¹⁹ Նույն տեղում, էջ 31, արձ. 68։



²⁰ Տապանաքարի նկարագրությունն ու արձանագրությունը տե՛ս նույն տեղում, էջ 32։ Կարծում ենք տապանաքարի հարավային լանջի արևմտյան եզրի ասպաղեն հեծյալը Մեհրապի քանդակն է։

²¹ Քրիստոսի, Աստվածածնի, ավետարանիչների քանդակները Արենիի եկեղեցու և խաչքարերի տիրապետող մոտիվներից են։

²² Ս. Բարխուդարյանը ընդօրինակել է վարպետի ստորագրությունը և թիվը միայն (նույն տեղում, էջ 31, արձ. 68)։ Նա անձնական դերանունից հետո ընթերցվում է Սարկիս անձնանունը։

²³ Նկատի ունենալով Փիրիբեկյանների տապանաքարերի և խաչքարերի քանդակների թե-

ԵՄԿՈՍՈՒՆ
 ԿՐԻՍՏՈՍՈՍԿԻ



այդ արձանագրությունը մեր վերժանությունը՝ ԱՅՍ է ՀԱՆԳԻՍՏ ՊԷԱՐԸՈՂՆ ԲԱՔԻՆ, ՈՐ է ՈՐԴԻ ՊԷԱՐԸՈՂՆ ՓԻՐԼԻՅԵԿԼԻՅՆ, ԵՂԱՐ ՊԷԱՐԸՈՂՆ /ՄՄԵԶԸՐԱՊԻՆ. ԹՎ. ՌԺԴ (1565²⁴, գծ. 17):

Սրանով ավարտվում են Փիրիբեկյան տոհմի մասին մեր ունեցած տեղեկությունները:

Մեզ հասած հաջորդ արձանագրությունը փորագրված է եկեղեցու հարավային պատի արևելյան մասում, հետևյալ բովանդակությամբ՝ ԹՎ. ՌԼԷ /1588/. ՄՄԱՐԻԿՈՄ ԵՂԻՍԿՈՊՈՂՍ ՄԱՋՐԷՑԻՑ²⁵ (գծ. 18):

Եկեղեցու արևելյան պատի վրա, դրսի կողմից կան մի քանի մանրատառ հիշատակություններ: Դրանցից մեկը հետևյալն է՝ ԵՍ ՈՎԱՍԱՓ ՋՈՒՂԱՅԷՆՑԻՆ. /ԳԻՐՍ Ո ԿԱՐԴԱՅ ԱՄՍՈՒԱՅԵԱՅԻՆ ԱՎԱՐԻՅՆԻ/. ԹՎ. ՌԽ (1591²⁶, գծ. 19):

Շահաբասյան բռնագաղթը ծանր է անդրադարձել նաև արենցիների վրա: Հայտնի է, որ «մարմնովն պարթևահասակ և յաղթանդամ և սրտին արի, բանիք և խելօքն հանճարեղ» Գրիգոր Արփայեցին մեծ դժվարությամբ դրամ ժողովելով, կաշառել է շահին և Պարսկաստանի Փարվա ու Բուրվարի գավառների հայերին փրկել հավատափոխությունից: Դրա համար նա 1620 թ. ստացել է պաշտոնական նոմոս՝ թագավորական կնիքով: Սակայն պարսկական դատարանը այդ քաջ հայրենասերին զրպարտության կեղծ մեղադրանքով մահապատժի է ենթարկել²⁷: Արտագաղթից հետո չի ամայացել երբեմնի փառքից ղրկված Արփան: Այդ են վկայում տեղում պահպանվող արձանագրությունները: Այսպես, օրինակ, եկեղեցուց հյուսիս-արևելք կանգնեցվել է սպիտակավուն, պայտածև տապանաքար հետևյալ հիշատակությամբ՝ ԵՍ ԱՂԱՅՊԷԿԻԿ /ԿՂԱՆԿՅՈՒՅԻ /ԽԱՋՍ ՓՐԿՈՒԹԵ ՀՈԳՈՅՆ ՄԻԿՐՏԻՅԻՆ, ԱՄԷՆ./ Ի ԹՎԻՍ. ՌԾԴ (1605, գծ. 20):

Արենիի գերեզմանատան դագաղաձև տապանաքարերից մեկի (նկ. 5) հարավային լանջի քանդակներից վեր, նեղ զոտու վրա արձանագրված է՝ ԱՅՍ է ՀԱՆԳԻՍՏ ԽՈՒՏԱՅՊԱԽՇԻՆ. ԹՎ. ՌԾԴ (1605): Մինչ այժմ աննկատ է մնա-

մատիկայի ու ոճի նմանությունները, իրավացիորեն դրանք բոլորը համարվել են Ակոբ նկարող-կազմողի ձեռագրեր, թեև նրանցից միայն երկուսի վրա կա վարպետի ստորագրությունը (Ս. Բարխուդարյան, Միջնադարյան հայ ճարտարապետներ և քարգործ վարպետներ, Երևան, 1962, էջ 168): Պարոն Բարի և մի շարք այլ տապանաքարեր ունեն բազմաթանր քանդակներ: Դիտելի են հատկապես գինու գավի, շշով խորովածի (սիրիական և երրայական աղբյուրներում՝ ձկան) քանդակներ, որոնք, թերևս, վաղ քրիստոնեական դարաշրջանից տեղանորոն պահպանվող տերունական ընթրիքի վերապրուկներն են, և արտահայտում են ընդհանուր ճաշկերույթի՝ հացի (նշխար) և գինու միջոցով հաղորդության ժեսկան գաղափարը:

24 Ս. Բարխուդարյանը արձանագրությունը վերցրել է Քաջբերունուց («Դիվան», պրակ III, էջ 32, արձ. 74), ուստի և նա չէր կարող շտկել թույլ տրված վրիպումներն ու Մեհրապ անվան սխալ՝ Թհերդա տառագարձումը:

25 Հնարավոր է, որ Կամո քաղաքի ս. Կարապետ եկեղեցու (1848) արևելյան պատին ագուցված խաչքարի (կազմող՝ Մելիքսեթ) արձանագրության մեջ հիշատակված Մարմոս (իմա՝ Մարկոս—Ս. Ս.) եպիսկոպոսը («Դիվան», պրակ IV, էջ 66, արձ. 257), այս և Դաշքենդի Ասավածաթին եկեղեցում հանդիպող ՄՄԱՐԻԿՈՂՍ ԵՂԻՍԿՈՊՈՂՍ, ԹՎ. ՌԽ (1591) նույն անձնավորությունը լինեն:

26 Զուղայեցիների և տենցիների անունների բազմաթիվ հիշատակություններ կան XV—XVII դդ. Երևանի, Նորատուռի, Ավանի, Եղվարդի, Ղաթի և այլ վայրերի վիճաբերում:

27 «Պատմության Առաքել վարդապետի Դարբնեցույթ», Վաղարշապատ, 1896, էջ 163—170:

ցել նաև եկեղեցու արևմտյան կողմի տապանագիրը՝ /ԽՄԱՂՍ ՔԻՆՇԱՆ-ՏԴԱՆԻ / ԼԷՅ 3ՈՒՐՔՍԱՆՁԻՆ. /ԹՎ. ՌՁԲ (1633, գծ. 21):

Եկեղեցու արևելյան պատին կա ԵՍ ԱՊԱՂՍ /ԳԻՐԵՑԻ. ԹՎ. ՌՀԷ (1638) էՐ նոտրգիր հիշատակագիրը (գծ. 22): Իսկ հյուսիս-արևելյան կողմում պահպանվող շիրմաքարի հյուսիսային ճակատին քանդակված են գունչ-գնչի տված ցուլ և կով: Հարավային լանջի անավարտ գավթի և շրջագծի մեջ փորագրված են 7 հատիկներ ունեցող կլոր բարձրաքանդակներ: Սրանց և արևմտյան եզրի



Նկ. 5. Խոտայախշու տապանաքարը (1605 թ.):

արձանագրության միջև պատկերված է հասակով մեկ կանգնած, ձեռքերում կացին հիշեցնող գործիքով մարդու բարձրաքանդակ: Եթե արձանագրության մեր վերծանությունը ստույգ է (նկ. 6)՝ ԹՎ. ՌՂ (1641) ԱՀԱՆԷՍ ԽՉԱԿԵՐՏԱՅ, ապա պիտի ընդունել, որ այս չափազանց ուշագրավ հուշարձանը Հովհաննես վարպետի ինքնաքանդակն է:

Եկեղեցուց հյուսիս-արևելք կա մի սպիտակավուն, դադաղաձև, սակավադեպ հանդիպող ճյուղատարած ծառի քանդակով տապանաքար: Քաջքերունին սրա արձանագրությունը ներկայացրել է ազատ ընթերցմամբ, որը և մտել է «Դիվանի»²⁸ մեջ: Կորած համարվող արձանագրությունը (նկ. 7) հետև-

²⁸ «Դիվան», պրակ III, էջ 33, արձ. 75: Տապանաքարի վրա Քաղոսի հարթաքանդակն է: Այդ դարի քանդակագործությանը հատուկ է բնական համամասնությունների անտեսումը: Թեև ձիերի, թռչունների, ծառերի քանդակները հանդես են գալիս բնական ձևերով ու ծավալատարածական փոքրացված համամասնությամբ, սակայն մարդու քանդակները խիստ ոճավորված են և համաչափություններից զուրկ: Դիտելի է, որ հայկական քանդակագործության մեջ, վաղ

յալն է. ԱՅՍ է ՀԱՆԳԻՍՍ ԹԱԴՈՍԻՆ. ՈՐ է ՈՐԴԻ ՏՄԷՂ ԶԱՔԱՐԻՆ, ԹՄՈՂՈՆ ԹԱՄԱՂՈՒԼԻՆ/. ԹՎ. ՌՃԻԱ (1672):

Եկեղեցու հյուսիսային կողմում հայտնաբերվել է նաև Զաքարի սալատապանը. ԱՅՍ է ՀԱՆԳԻՍՍ ՏԼԷՂ ԶԱՔԱՐԻՆ. ԹՎ. ՌՃԼ (1681) տապանագրով (գծ. 23): Հարավային կողմի հարթ սալատապանի վրա, Արեւիկում քիչ հանդիպող կապգրեքով, փորագրված է՝ ԱՅՍ է ՀԱՆԳԻՍՍ ԻՏԷՐ ՅԱՕԻԱՆԻՈՐԴԻ ՍՄԷՂ ՄԽԻԹԱՐԻՆ, ԹՎ. ՌՃԻԸ (1769, գծ. 24):



Նկ. 6. Հովհաննես վարպետի ինքնաքանդակը (1641 թ.):

Տաճարի հյուսիս-արևելյան անկյունում բացվել է կոպտատաշ փոքրիկ տապանաքար (նկ. 8), որի հյուսիսային ճակատին գրված է՝ ԱՅՍ է ՀԱՆԳԻՍՍ ԳՈՒԼՀԱՐԻՆ. ԹՎԼԻՅՆ ՌՃԻԹ (1680):

Եկեղեցուց արևելք, ճանապարհի եզրին գտնվող բազալտե կոպիտ տապանաքարի հարավային ճակատին պատկերված են երկու խաչեր, իսկ հյուսիսայինի վրա արձանագրված է՝ ԱՅՍ է ՀԱՆԳԻՍՍ ԻՏԷՐ ՅԱՕԻԱՆԻՈՐԴԻ ԱՂԱՅՊԱՊԻՆ. ԹՎ. ՌՃԼԷ (1688, գծ. 25):

Եկեղեցու ներսում, հյուսիսային պատի վրա խոշոր տառերով գրված է՝ ՏԼԷՂ ՅՈՎԱԶՓ. ԹՎԴԻՆ՝ ՌՃԽԴ (1695, գծ. 26): Արևելյան պատի վրա, Հովասափ Զուղայեցու արձանագրությունից մի փոքր աջ, թվակիր վերջին անտիպ հիշատակությունն է՝ ԱՐՕՆԹՈՒՆ. ԹՎԴԻՆ՝ ՌՄԿԴ (1815, գծ. 27):

Տաճարի արևմտյան պատի հյուսիսային եզրում նկատելի է՝ ԵՍ ՄՍՂԱՀԱԿՍ ԿԱՆԳՆԵՅԻ ԶԽՄԱՂՍ Ի...²⁹ անավարտ արձանագրությունը (գծ. 28):

Հրջանից սկսած մինչև ուշ միջնադար, մարդը հիմնականում պատկերվել է խիստ ձևափոխված ու ռեալիզմով, և դա արվել է հիմնականում այն պատճառով, որ մարմնի մնացած մասերի համեմատ խոշոր է պատկերվել գլուխը:

²⁹ Ենթադրում ենք, որ Սահակը եկեղեցու հարավային մուտքի բարավորի վիճազրում հիշատակվող տեր-Բարսեղի հայրն է:

Արենիի վիճադրերը գյուղի ավելի քան 600-ամյա ժամանակահատվածի (1191—1815) պատմության խոսույն վկաներն են, որոնք պարունակում են ժամանակագրական, պատմական, սոցիալական, կառուցողական կյանքի մասին թեև համառոտ, բայց եզակի տվյալներ։ Այդ վիճադրերում հավաստվող անձնանունները, տեղանունները, տառերի հնագրական ինքնատիպությունները ևս արժանի են մասնագիտական հատուկ քննության։

НОВОВЫЯВЛЕННЫЕ НАДПИСИ ИЗ АРЕНИ

СУРЕН САГУМЯН

Резюме

Арени (Арпа) является одним из древних селений Вайоц Дзора. Для изучения истории этого села большое значение имеют надписи, сохранившиеся на его территории. Еще с середины прошлого века они привлекли к себе внимание историков-эпиграфистов. Наиболее полное собрание этих надписей (20) в свое время было представлено С. Бархударяном. В настоящее время выявлено 60 надписей, самой древней из которых является надпись, относящаяся к 1191 г., а надпись сравнительно позднего периода датируется 1815 г.

Нами представлены 43 надписи, по сей день неопубликованные, а также 12 опубликованных ранее надписей с дополнениями и исправлениями.